

贛縣志卷五十三

雜類志

祥異

漢書詳錄五行傳說及其占應後世史家述焉其學本洪範庶徵不得謂為理之所無然比事而求其應未必悉然也傳曰天道遠人道邇為祥為異天道也而有人事存不可以不謹矣舊志列祠廟前今從通志歸雜類云

晉

太元八年癸未南康大水平地五丈

十八年癸巳六月己亥南康大水深五丈

義熙八年壬子自正月至四月南康郡地四震

南宋

元嘉二十二年乙酉白鹿見郡相劉興祖以獻

贛縣志

卷五十三

祥異

齊

永元二年十月甲寅辰星及太白俱見南方是日荊州長史蕭穎胄奉南康王寶融起兵

即帝位(册府元龜)

梁

大寶元年庚午夏五月水暴起數丈三百里灘石皆沒(舊志)

二年夏六月陳霸先發南康贛江水暴起數丈灘石盡沒尋進軍討侯景破之(淳熙志)

省志

陳

太建七年乙未十二月甲子南康獻瑞鐘

唐

武德元年戊寅春三月陰雨旬日空中龍見鱗爪俱明

六年癸未清德鄉東龕巖生靈芝五本高三尺許自此十餘年春三月芝草生僧淨行護

以檻

元和七年壬辰虔州暴水平地深四丈

大中元年虔州獲六眼龜一夕而沒

宋

雍熙二年乙酉虔州民李祚家馬牛駒足各有二距

至道元年五月虔州江水漲二丈九尺壞城流入深八尺壞城門(宋史五行志)

景祐三年六月壬申虔州久雨江溢壞城郭廬舍人多溺死賜被溺家錢有差

元豐缺年贛倅劉顯治廳甘露降於庭松劉顯事八十餘老母甚孝憲使張景修作仁澤

堂詩紀之

政和元年虔州芝草生(宋史五行志)

紹興二年虔州霖雨連春不止壞城四百九十丈圯城樓敵樓凡十五所

十四年四月丁亥虔州民毀鼓屋折柱木中有字五其文曰天下太平時守臣薛弼上之

贛縣志

卷五十三

祥異

二

天下方亂近木妖也出五行志舊志作二十年乙亥郡守薛弼以爲異遂獻之適當郊祀而太廟生芝州有此獻秦檜大喜乞詔付史館又請製華旗八面紀祥瑞焉(按舊

志二十年乙亥卽下二十五年乙亥也因佚五字故重見)

十五年虔州疫(宋史五行志)

十六年虔州放生池生蓮皆同蒂異蓂

二十一年民家竈鼎生金色蓮花萬州虔州皆有蓮同蒂異蓂(冊府元龜)

二十五年十月贛州獻太平木時秦檜擅朝喜飾太平郡國多上草木之妖以爲瑞(宋

史五行志)

乾道八年贛州江水暴出

九年贛州久旱無麥苗秋贛州螟

淳熙十一年四月不雨至於八月吉贛皆旱

紹熙四年夏贛州水

嘉定十四年浙閩廣江西旱贛州爲甚

十五年五月不雨至七月贛州大旱(冊府元龜)

是年秋贛州螟(宋史五行志)

端平元年贛州大饑

元

世祖至元十五年贛州旱人多熟死

十七年贛州螟(元史本紀)

二十七年秋七月戊申江西霖雨贛吉袁瑞建撫皆水溢

大德二年贛州大水

十年四月贛州暴雨水溢(元史本紀)

延祐元年九月乙巳贛州等路水溢

二年五月贛州等路饑

贛

縣

志

卷五十三

祥異

三

四年九月嶺北地震三日(通鑑綱目)

至治元年辛酉贛州臨江霖雨潦蝗相繼(元史本紀)

二年壬戌民大饑

泰定元年贛州南安等路饑(元史本紀)

二年乙丑贛州南安新梅諸路饑

四年丁卯建昌贛州惠州諸路饑

順帝元五年贛州大旱

十五年旱人苦酷暑多熟死

至正三年贛州旱

八年贛州水溢

十四年黑氣入斗

二十七年丁酉冬十一月旱天青忽現太平二字丈餘書似飛白逾時始散

蕭相經曰贛縣祥異志內有至治元年二年二條列於至正五年十五年之前及寧都志至元二年下有七年一條列於大德延祐之後皆誤也考元史贛州入元在世祖至元十三年丙子以前皆宋紀無元五年事也至治爲英宗年號不當列於至元大德之前考此二條祥異正與英宗辛酉壬戌兩年事合則後此至元爲順宗時矣順宗乙亥初祚用舊元紀年至辛巳則改至正無七年事也疑七年與十五年皆當作至正然七年可改十五年則不可易今仍年代編次以備參考云

明

洪武六年癸丑冬十一月州人呂氏手植牡丹於庭冰雪中盛開狀若玉盤照耀白日永樂十二年甲午贛州振武二衛雨水壞城(明史)

正統五年庚申歲大稔詔遣重臣分行天下郡縣勸民出粟所在富民應詔者旌異之仍乞其家贛人呂彥文出穀六千餘石以實倉廩有司上其事下詔旌表蠲其徭尋詣闕謝賜綵服酒饌以榮之

贛縣志

卷五十三

祥異

四

正德十一年秋七月贛州府城地震黑風四塞下黑子如竹實

成化四年戊子旱

嘉靖七年正月元日甘露降贛州長泰巡撫汪鉞以聞(省志)

十三年甲午水災

三十五年丙辰夏四月大水灌城七日而水再至視前加三尺漂沒溺死無算五月疫

三十六年冬十月有物自贛至南安府類猿色黑兩目有光近人人輒病或有死者(南安府志)

三十九年庚申冬十二月郡城大雪樹木結冰彌月不解卽春秋所謂雨木冰漢書五行志亦曰樹介

萬歷元年癸酉七月郡城金魚坊井中醴泉出其氣清芬味如薄酒三日乃竭

五年丁丑九月彗星見十月大暑熱民無所避桃李復花筍枝拔地數尺大寒中雷有霹靂聲明春轟轟不已電光晝燦電如大珠人死於疫者無算

十年壬午郡治災明年太守徐應奎重新之

二十九年辛丑春正月郡城黑嘗見形似狸犬夜間潛入人室燈燭皆滅其氣觸人若硝磺不可近走屋瓦有聲遠近驚怖晝夜鳴鑼呼噪如是者浹旬禳之乃息

四十二年甲寅旱大饑

四十四年丙辰五月初一二三霖雨不止蛟蜃並出一夜水高數丈初四日灌郡城東北街市及頻河室廬六鄉田禾皆沒男婦溺死無算鄆都信豐龍南興國瑞金安遠長甯會昌皆被水部使三院疏聞於朝詔如四十二年例改折淮南二米餘縣俱從寬卹

（舊志疏略云駕篋於城垣之上繫纜於麗譙之間托寢處於屋脊寄柩櫬於棟梁夢華胥而魄泊波濤舉晨炊而白遷深壑蓋字字淚也）

四十六年戊午旱秋酷熱晚禾無收民病疫癘鄉落尤甚闔門死者相枕籍九月之杪東南坊蒼白氣一道闊尺餘約長丈二尺每五更出現浹旬始滅又冬少霜桃李實

天啓二年壬戌六月災

續 縣 志

卷五十三

祥異

五

四年甲子夏大水秋旱

六年丙寅秋疫

崇禎六年癸酉二月雨雹

十一年戊寅十二月十九大雪雷是歲有妖出名馬狸精

十五年壬午郡城大災十月地震

十六年癸未大水

十七年甲申饑

國朝

順治二年乙酉冬十一月己未空中有聲如礮自午至申響聲四聞有流星大如缶尾如炬煙青白色起東南沒西北其聲如雷俗目爲天銃

三年丙戌饑斗米千錢

四年丁亥春大水夏五月烈風迅雷城內石坊盡圮秋饑冬十一月地震

五年戊子春夏大饑斗米千錢金王二逆困贛斗米萬錢

十一年甲午郡城外善慶庵產靈芝高二尺許

十四年丁酉旱

康熙元年壬寅祥雲見

四年乙巳彗星見光芒燭地長竟西北尾如巨帚

七年戊申二月正練見西南隅

十年辛亥七月熒惑守斗七日始退

十八年己未大水高數丈水自雩都斜嶺來入四會鄉牛嶺衝決阜嶺數處狀若移走漂

沒出廬人畜壅於雲泉鄉五月水復漲田廬盡沒四日夜方退

十九年庚申冬十一月有星見西方白氣直貫東北光芒如正練尾開數十丈經明春方

沒

二十一年壬戌城內上壘觀鐘鳴

贛縣志

志

卷五十三

祥異

六

二十六年丁卯四月郡城霖雨大水灌城夏大旱

二十八年己巳閏三月雨冰大風折木

三十八年己卯贛縣水口山產紫芝七莖高三尺許

四十二年癸未郡屬大旱泉枯江竭

四十三年甲申郡城大饑道殣相望五月霖雨不止大水灌城城中可通巨艦瀕江田廬

漂溺無算

四十四年乙酉江狔見於貢江

四十八年己丑七月十三日大星長二丈餘尾大逾尺燄赤如火芒曳數十星皆大如彈

從西南北行刻七有聲黑雲迎之而沒

五十二年癸巳贛南郡縣三四五諸月霖雨不止四月二十七八兩日暴風雷雨安遠會

昌雩都信豐皆被大水五月二十三兩日水及石城興國七十八連日逮贛郡郡

城東湧金建春二門水溢門不啓諸縣皆圯城郭壞廬舍浸田疇倉儲鹽埠湮沒不能

卒救大水皆拔起人畜溺死無算零都石城水湧縣庭兩令灑淚拜天扣縣牌投之乃稍定安遠地高素無水患亦發於山之巔溢湧如瀑布哇町渚崖幾無辨識

六十年辛丑大旱冬饑

乾隆元年丙辰八月西街火燒西津門城樓

二年丁巳十一月二十七日大雷電雨

八年癸亥三月初三連日大霜池有冰三十日已刻晝晦烈風拔木折屋大雷雨雹是日學使考試甯都石城文童考棚以新修不固悉爲倒塌壓斃數十餘人學使金德瑛設壇爲文以祭皆給衣頂

十二年丁卯自九月不雨至明年四月旱禾有至四月末方蒔插者

十五年庚午七月初九初十連日大雨如注江水泛溢城內西北隅皆成巨浸倒塌房屋甚多

十六年辛未六月大水六鄉衝壞田禾各動公項賑卹

贛縣

志

卷五十三

祥異

七

十七年米價陡長三兩二錢

十九年二月大由鄉下高樓劉氏晨起開門有山鹿突入其宅堂中供大士像鹿輒禮拜稽首馴伏不去畜之數月後斃

閏四月十二日酉時有星自東流向西聲震如礮

二十四年己卯四月府城大疫夏秋水愆期十二月大雪木介晶瑩纓絡

二十五年庚辰九月長洛地方虎害會營斃之

二十六年辛巳大有年

二十九年甲申西河水漲九瀨河村落田廬皆被冲淹知縣李夢聰通詳撫恤是年十二

月瑞雪連次盈尺

三十年乙酉五月米騰貴知縣李夢聰詳請糴借施濟價遂平

三十一年丙戌四境豐收

三十四年己丑十二月瑞雪積厚五寸

三十五年庚寅六鄉豐稔

三十六年辛卯十二月西城外火延燒民房舖舍知縣衛謀捐廉撫恤被災貧戶
三十九年甲午六鄉豐稔

四十二年丁酉六月濂溪書院方池白蓮開花紅鮮如錦

嘉慶五年庚申七月十六日大水注城高丈至縣崗坡

十七年壬申五月十七日大水注城較庚申年高二尺

二十五年庚辰五月初一日東城外火延燒四十餘家

道光元年辛巳四月二十七日五星聚壁

三年癸未冬十月郡城瑞雪盈尺

十年庚寅郡城督學考院火

十三年癸巳夏五月大水

十四年甲午夏大水饑斗米千錢

續 縣 志

卷五十三

祥異

八

二十四年甲辰郡城火延燒店舖二百餘家

二十七年丁未道署甃園玉蘭樹成連理枝

咸豐二年壬子夏六月大水攸鎮沙地等處漂沒田廬無算

三年癸丑夏四月江水暴漲

十年庚申大水雲泉鄉芳村蕭姓漂沒房屋數百間

同治六年丁卯城外龜角尾民人郭世椿妻胡氏一產三子皆育

九年庚午正月西方有星下墜白光長數丈繚繞如草書月字踰刻滅二月大雨雹如拳
屋瓦秧苗多損是年六鄉豐稔

百歲及五世一堂附

大由鄉羅懷德五世一堂壽臻百歲學政曹獎以足侶松喬額

愛敬鄉耆賓鍾添佑壽百有四歲請旌建坊

愛敬鄉黃天家壽百歲學政王恩訓獎以清時人瑞額

城東坊王燦周妻趙氏壽百有八歲

城東坊賀正仁妻鍾氏壽百歲

水東坊鄒興柏妻劉氏壽百有二歲

長興鄉徐榮遇妻劉氏壽百歲

愛敬鄉謝定宜壽百歲

長興鄉劉益菴壽百有一歲妻蕭氏壽九十九歲

城廂羅允泗太學生妻徐氏年九十歲五世一堂

城東坊楊應治監生年登九十一五世同堂

贛縣志

卷五十三

祥異

九

城東坊羅修達廩生妻戴氏五世同堂

長興鄉鍾任監生妻李氏壽九十一親見五世同堂子七孫十九曾孫二十四元孫四

長興鄉鍾元健者職五世同堂

愛敬鄉張燕廷修職郎與妻鍾氏俱年登八十有六五世同堂子十孫四十四曾孫七十

六元孫六

愛敬鄉耆職張金聲五世同堂

章水鄉黃文光妻蕭氏俱壽登八十夫婦齊眉五世同堂

章水鄉王敬軒耆賓年八十四歲五世同堂

章水鄉王利仁耆賓五世同堂

長興鄉丁柄量妻鍾氏五世一堂

四會鄉劉翥登仕郎五世同堂沒年九十八歲八十一時邑令龍澍贈以玉鳩雙耀額

愛敬鄉劉大信妻鄧氏五世一堂

章水鄉黃忠義妻吳氏年九十一歲五世一堂教授周步驤獎以萱帷福備額

愛敬鄉王可重妻曾氏一產三男

朱篤周妻彭氏生於雍正五年現年九十九歲子二長昌爲現年八十二歲次昌慶現年六十一堂四世(以上舊志)

廖盛彩大由鄉耆職妻孔氏夫婦同見五世一堂其子旭初亦親見五世同堂現年九十

李氏角湖壠人鍾大珂妻享壽一百一歲五世同堂其長孫祥偉亦親見五世同堂

華氏長興鄉游集昌妻生七子親見五世同堂

馬正位長興鄉人監生親見五世一堂其子文江年登七十亦親見五世同堂

金氏劉聯芳妻壽至百歲修撰劉繹贈春滿百齡額

鍾氏檀境人謝恩遴妻親見五世同堂壽至九十二

徐氏曾田人陳明璋妻年登七十一親見五世一堂

黃氏愛敬鄉人謝德和妻現壽百歲

贛縣志

卷五十三

祥異

十

王氏橋下山人張偉奇妻壽登百歲親見五世同堂

劉氏長興鄉鍾元叶妻年九十一歲親見五世同堂

李氏長興鄉太學生鍾愈楠妻年至九十二歲親見五世同堂

康氏黃連熬妻現年百有二歲

張氏沙地人匡見龍妻壽百歲卒

張光鳳章水鄉人年九十一五世同堂

盧氏大湖洲人陳瑞庭妻年百有二歲 旌表貞壽之門建坊裏村口

謝繼成愛敬鄉人年八十一五世一堂

鄧氏劉崇偉妻年九十二歲五世一堂丁男六十九人

謝佐堂愛敬鄉檀境人年百歲族贈以壽臻期頤額

陳氏水西劉開鍼妻百有一歲

邱氏李明玉妻百有二歲(詳節孝)

戴氏廖昌俊妻五世一堂

李氏謝銘三妻百有二歲五世同堂

徐氏唐致忠妻五世同堂（戴氏以下三人俱詳舊志節孝）

鍾邦梧鶯溪人年一百歲

鍾午音鶯溪人年一百一歲

張氏監生郭步蟾妻年八十親見五世同堂卒年九十

劉任選之母 氏愛敬鄉人年一百歲

劉彭年愛敬鄉人年一百歲

張氏連賢松妻年百有二歲